



## **PARTE-HARTZEA SUSTATZEKO ADIERAZPENA**

Parte-hartzea euskal gizartearen berezko lan sistema izan da antzinetatik: auzolanak, batzarrak, senitartekoen eta auzokideen arteko lankidetzak, etxeak eraikitzeke lan komunitarioa, zaharrak eta haurrak zaintzeko familia sareak... Lan egiteko, inguruarekin harremanak izateko, eta gizartea eraikitzeke jokamolde jakin bat da parte-hartzea.

Gainera, auzolanak berebiziko garrantzia hartzen du, beste modu batean egin ezingo lirakekeen beharrak asetzeko tresna baita. Etxarrin ere elkartasun tradizioa zabala izan da, eta oinarrizko azpiegitura asko auzolanean egin eta mantendu dira: dermio eta basoko bideak, akotatuak, landaketak eta garbiketak, platanondoak lepatu... Eta obra berezi batzuk ere auzolanean egin dira: igerilekuak, Andra Mari ermitako iturria eta mapa, Elizkortako iturria, Urbijotzendenzuiko zubia.... Gure herria ez litzateke izanen gaur egun dena, auzolanari eta parte-hartzeari esker izan ez balitz.

Baina gure herrian parte-hartzea ez da izan azpiegitura fisikoak eraikitzeke sistema bakarrik. Ekimen herrikoi ugari ere konpromiso kolektiboari esker eraiki dira: euskal irakaskuntza, kultura, euskara bera, herri hedabideak, gazte mugimendua, herri eta auzoetako ospakizunak, elkarteak, aldarrikapen kolektiboak... Horiek guztiak gaur egun bizirik daude, auzolan eta parte-hartze egitura erraldoiei esker.

Lan komunitarioak laguntzen digu ohartzen zeinen aberatsa den herri garaia sentitzea, talde-lanean aritzea, gure beharrak gure gerok asetzea eta gainerako kideekin ditugun harremanen balioaz ohartzea. Lan sistema hau berezia da herritarren arteko berdintasunean oinarritzen delako, elkartasunaren balioa indartzen duelako, autoeratzeko aukera ematen duelako, eta oro har, gaurko eguneko gizarte eremuan falta diren balioetan sakontzen duelako.

### **ADIERAZTEN DUGU:**

- ✓ Parte-hartzea sustatzeak herri moduan indartzen gaituela, eta gure herritar identitatea indartzen duela.
- ✓ Herritarren parte-hartzerik gabe ez dagoela benetako demokraziarik. Herritarrek hitza eta protagonismoa izan behar dutela erakundeetan. Gaur egungo sistema demokratikoa gainditu eta parte-hartze tresnak eraikitzeke ahalegina egin beharra dagoela, gizartearen autoeraketa benetako demokrazia eraikitzeke giltza baita.



- ✓ Parte-hartze sistemak bi alderdi dituela: eskubideak eta eginkizunak. Batetik, herritarren eskubidea dela informazioa jasotzea, eta udal prozesuetan eta erabakietan parte hartzea. Baina bestetik, herritarren eginkizuna ere badela lan komunioetan laguntzea. Herritarren eta erakundeen hartu-emanak aldebikoa izan behar duela.
- ✓ Parte-hartzea oso tresna baliagarria dela oraingo eta etorkizuneko udal erronkei aurre egiteko. Hortaz, adierazpen hau parte-hartze prozesu zabalago baten abiapuntua izanen da, denborarekin eta guztion ekarpenekin gehiago garatuko dena.

**ETXARRIKO UDALAK KONPORMISOA HARTZEN DU, HERRITARREKIN BATERA HONAKO PROPOSAMEN HAUEK LANTZEKO:**

- ✓ Udalari buruzko **informazio guneak** sortzeko: udal buletina, batzordeetako informazio guneak, batzar informatiboak, WEB-gunea...
- ✓ **Udal batzordeak** eratzeko: eztabaidatu, partekatu eta erabakitzeko esparruak izanen dira, eta baita ere, lanak banatu eta lankidetzaz sustatzeko.
- ✓ **Auzolanaren** gaineko gogoeta bultzatzeko: aukera berdintasunean oinarrituta, borondatezkoa, eta garai berriei egokitua.
- ✓ Udal **aurrekontuak parte-hartzaileak** izateko bidea jorratzeko.
- ✓ Udalak herriko talde, elkarte eta eragileekin egiten dituen hitzarmenetan **parte-hartze konpromisoari** buruzko oharra gehitzeko.
- ✓ Parte-hartze prozesuei buruzko **formazioa** eskaintzeko.
- ✓ Udalak dituen baliabide guztiak eskura utziko ditu, herritarrekin batera adostutako parte-hartze egiturak eta prozesuak martxan jartzeko.

*Proposamen hau irekia da, eta etxarriarren arten martxan jarriko den prozesu parte-hartzailearen abiapuntua izanen da, poliki-poliki zehaztuko dena.*

**DEIALDIA LUZATZEN DUGU:**

Etxarriko udalak deialdia luzatzen die etxarriar guztiei **udal batzordeetan parte hartzeko**, eta hemendik aurrera sortuko diren parte-hartze **ekimenekin bat egiteko**. **Etxarriarrok merezi dugu!**